

წინამდებარე ხელშეკრულება დადებულია 08.09.2021 წ.

ერთის მხრივ, სს „საქართველოს რკინიგზა“ (ს/კ 202886010), წარმოდგენილი მისი ინფრასტრუქტურის დირექტორის გიორგი მარუქაშვილის სახით, მისამართი: ქ. თბილისი, თამარ მეფის გამზირი №15 (შემდგომში – შემსყიდველი) და მეორეს მხრივ, შპს „უნი-2“ (ს/კ 400120490), წარმოდგენილი მისი დირექტორის გიორგი ლუდუშაურის სახით, მისამართი: ქ. თბილისი, ზესტაფონის ქ. №13 (შემდგომში – მიმწოდებელი), ვდებთ წინამდებარე ხელშეკრულებას შემდეგზე:

2021 წლის 10 ივნისს გამოცხადდა და 1 ივლისს დასრულდა წინადადებების მიღება შესყიდვის ელექტრონულ პროცედურაზე (№GEO210000316) რელსი რ-65-ის შესყიდვის შესახებ, რომელშიც გამარჯვებულად მიჩნეულ იქნა მიმწოდებლის წინადადება, რომლის თანახმად, მიმწოდებელმა აიღო ვალდებულება, მიაწოდოს შემსყიდველს დანართით (ფასების ცხრილი) გათვალისწინებული მახასიათებლების შესაბამისი 10 102.60 ტონა მაგისტრალური რელსი რ-65 თერმულად გაანჭვირებული ორივე მხრიდან სამ-სამი საჭანჭიკე ნახევრით, სიგრძით 25 მეტრი. (შემდგომში – საქონელი). ერთი ტონის ფასი შეადგენს - 1 650.80 (ათას ექვსასორმოცდაათი აშშ დოლარი და ოთხმოცი ცენტი) აშშ დოლარს დღგ-ს გარეშე.

ტექნიკური დოკუმენტაციის მესამე პუნქტის 3.4 ქვეპუნქტის შესაბამისად, ხელშეკრულება ფორმდება აშშ დოლარში საქართველოს ეროვნული ბანკის მიერ 2021 წლის 1 ივლისისათვის (შესყიდვის ელექტრონული პროცედურის ვაჭრობის დღისათვის) დადგენილი ლარის აშშ დოლართან ოფიციალური გაცვლითი კურსის (1 USD = 3.1659 ლარი) მიხედვით.

ხელშეკრულების საერთო ღირებულება დღგ-ს გარეშე შეადგენს - **16 677 372,08** (თექვსმეტი მილიონ ექვსასამოცდაჩვიდმეტი ათას სამასსამოცდათორმეტი აშშ დოლარი და რვა ცენტი) აშშ დოლარს, ხოლო დღგ-ს ჩათვლით - **19 679 299, 05** (ცხრამეტი მილიონ ექვსასამოცდაცხრამეტი ათას ორასოთხმოცდაცხრამეტი აშშ დოლარი და ხუთი ცენტი) აშშ დოლარს (შემდგომში – ხელშეკრულების ღირებულება).

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) მიმწოდებლის მიერ წარმოდგენილი ფასების ცხრილი;
 - დ) ამონაწერი სსიპ „სახელმწიფო შესყიდვების სააგენტოს“ ერთიანი ელექტრონული სისტემიდან ელექტრონული პროცედურის ვაჭრობის მიმდინარეობის შესახებ;
 - ე) დანართი ხელშეკრულების ადმინისტრირების შესახებ;
 - ვ) ფორმა N1 განსხვავებული პირობით ანგარიშსწორების შესახებ;
 - ზ) საქართველოს ეროვნული ბანკის ვებ-გვერდიდან ამონაწერი ლარის მიმართ უცხოური ვალუტების გაცვლის ოფიციალური კურსის შესახებ;
 - თ) ხელშეკრულების საერთო პირობები;
 - ი) ხელშეკრულების სპეციფიკური პირობები;
 - კ) ხელშეკრულების შესრულების საგარანტიო უზრუნველყოფა №2625313-11478948 გაცემული სს „თიბისი ბანკის“ მიერ 30.08.2021 წელს.
3. მიმწოდებელი იღებს ვალდებულებას განახორციელოს ნაკისრი ვალდებულებები ხელშეკრულების პირობების შესაბამისად.
4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობების შესაბამისად.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

წინამდებარე ხელშეკრულება ძალაში შედის მისი ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულების სრულ შესრულებამდე.

„შემსყიდველი“

სს „საქართველოს რკინიგზა“
ქ. თბილისი, თამარ მეფის გამზირი №15
ს/კ 202886010
სს „საქართველოს ბანკი“
ბანკის კოდი: BAGAGE22
ა/ა GEO9BG0000000128695301

„მიმწოდებელი“

შპს „უნი-2“
ქ. თბილისი, ზესტაფონის ქ. №13
ს/კ 400120490
სს „თიბისი ბანკი“
ბანკისკოდი: TBCBGE22
ანგარიშის №GE92TB7531336080100003
ტელ: 598 939779; 551 528912

გიორგი მარუქაშვილი
ინფრასტრუქტურის დირექტორი

გიორგი ლუდუშაური
დირექტორი

ხელშეკრულების საერთო პირობები წარმოადგენს შესყიდვის ელექტრონული პროცედურის დოკუმენტაციისა და საქონლის შესყიდვის შესახებ ხელშეკრულების შემადგენელ ნაწილს. ისინი ატარებენ ტიპურ ხასიათს და უნდა იქნან გამოყენებული ყოველგვარი ცვლილებების გარეშე იმ მოცულობით, რა მოცულობითაც ეს შეესაბამება კონკრეტულ შესყიდვას.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 “ხელშეკრულება შესყიდვის შესახებ” (შემდგომში – “ხელშეკრულება”) – შემსყიდველ ორგანიზაციასა და შესყიდვის ელექტრონული პროცედურაში გამარჯვებულ პრეტენდენტს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ზედმიწევნით შესრულებისათვის /თუ ხელშეკრულებით სხვა რამ არ არის გათვალისწინებული/;

1.3 “შემსყიდველი ორგანიზაცია” (შემდგომში “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 “მიმწოდებელი” ნიშნავს პირს, რომელმაც მოიპოვა გამარჯვება შესყიდვის ელექტრონული პროცედურაში და ახორციელებს საქონლის მოწოდებას საქონლის შესყიდვის შესახებ მოცემული ხელშეკრულების ფარგლებში;

1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.

3. საპატენტო უფლებები

3.1 საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი

4.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან. ხელშეკრულების სპეციფიკურ პირობებში და/ან ტექნიკურ პირობებში უნდა იყოს მითითება თუ რა სახის შემოწმებები და გამოცდები სჭირდება შემსყიდველს და ასევე სად უნდა გაიმართოს ისინი. შემსყიდველმა წერილობითი სახით და თავისდროულად უნდა აცნობოს მიმწოდებელს, ამ მიზნებისათვის განკუთვნილი თავისი წარმომადგენლების შესახებ.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

4.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

5. შეფუთვა

5.1 მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან ფასების ცხრილში მითითებული დანიშნულების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ექსტრემალური ტემპერატურის, მარილების და ნალექის ზემოქმედებას, ასევე ღია ცის ქვეშ შენახვას.

5.2 შეფუთვის სახეობა, თითოეული ფუთის გაბარიტები და წონა, მისი მარკირება და თანმხლები დოკუმენტები უნდა შეესაბამებოდეს შემსყიდველის მიერ განსაზღვრულ სპეციალურ მოთხოვნებს.

6. საქონლის მიწოდების პირობები

6.1 საქონლის მიწოდება ხორციელდება მიმწოდებლის მიერ, საქონლის მიწოდების გრაფიკის შესაბამისად. დეტალური ინფორმაცია ტრანსპორტირების და მასთან დაკავშირებული უფლება-მოვალეობების გამიჯვნის შესახებ მოყვნილია ხელშეკრულების სპეციფიკურ პირობებში.

6.2 დოკუმენტები, რომლებიც წარმოდგენილ უნდა იქნას მიმწოდებლის მიერ საქონლის გადატვირთვისას მითითებულია ხელშეკრულების სპეციფიკურ პირობებში.

7. დაზღვევა (ამ მექანიზმის გამოყენების შემთხვევაში)

7.1 მიმწოდებელი ვალდებულია დააზღვიოს შესყიდვის ობიექტი და/ან მისი ნაწილები (ცალკეული ელემენტები, დანადგარები და წარმოების სხვა საშუალებები, ქონება და სხვა) ხელშეკრულების სპეციფიკურ პირობებში მითითებული მოთხოვნების შესაბამისად.

8. თანმდევი მომსახურება

8.1 მიმწოდებელი ვალდებულია გაუწიოს შემსყიდველს ხელშეკრულების სპეციფიკური პირობებით გათვალისწინებული თანმდევი მომსახურება, რომელიც დაკავშირებულია საქონლის მიწოდებასთან და/ან შესყიდვის ობიექტის შემდგომ ექსპლუატაციასთან.

8.2 თანმდევი მომსახურების ღირებულება შედის ხელშეკრულების ფასში.

9. სათადარიგო ნაწილები

9.1 შემსყიდველს შეუძლია მოითხოვოს მიმწოდებლისაგან მის მიერ წარმოებული ან სარეალიზაციო სათადარიგო ნაწილების შესახებ შემდეგი ინფორმაციის წარმოდგენა:

(ა) იმ სათადარიგო ნაწილების ნომენკლატურა და ღირებულება, რომლებიც შემსყიდველმა შეიძლება შეისყიდოს მიმწოდებლისაგან, რათა გამოიყენოს ისინი საგარანტიო ვადის დასრულების შემდეგ;

(ბ) მიმწოდებლის მიერ სათადარიგო ნაწილების წარმოების შეწყვეტის შემთხვევაში:

1. წინასწარ უნდა აცნობოს შემსყიდველს, წარმოების მოსალოდნელი შეწყვეტის შესახებ, რათა მისცეს მას საშუალება განახორციელოს აუცილებელი შესყიდვები, საჭირო რაოდენობით;

2. აუცილებლობის შემთხვევაში, წარმოების შეწყვეტის შემდგომ, უფასოდ მიაწოდოს შემსყიდველს სათადარიგო ნაწილების გეგმები, ნახაზები და ტექნიკური დოკუმენტაცია.

10. შესყიდვის ობიექტის მიღება-ჩაბარების წესი

10.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

10.2 შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

10.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

10.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

11. გარანტია

11.1 მიმწოდებელი იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

11.2 ამ გარანტიის მოქმედების ვადა განისაზღვრება ხელშეკრულების სპეციფიკური პირობებით.

11.3 მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

11.4 გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

12. ანგარიშსწორება

12.1 ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

12.2 მიმწოდებლის წერილობით მოთხოვნას ანგარიშსწორების თაობაზე უნდა დაერთოს ხელშეკრულების სპეციფიკურ პირობებში მითითებული დოკუმენტაცია.

13. ანგარიშსწორების ვალუტა

13.1 ანგარიშსწორება მიმწოდებელთან განხორციელდება ლარებში (თუ მიმწოდებელი საქართველოს რეზიდენტი).

13.2 ანგარიშსწორება განხორციელდება დოკუმენტაციაში დაფიქსირებულ საანგარიშსწორებო ვალუტაში მისი ლართან მიმართებაში დაფიქსირებული კურსით.

14. ფასები

14.1 შემსყიდველის მიერ საქონლის მიწოდებისა და თანმდევი მომსახურების გაწევის ხელშეკრულებაში მითითებული ფასები არ უნდა აღემატებოდეს მიმწოდებლის მიერ ელექტრონული ვაჭრობისას მითითებულ ფასებს.

14.2 ხელშეკრულებაში მითითებული ფასების შეცვლა დასაშვებია მხოლოდ იმ შემთხვევაში თუ ასეთი რამ გათვალისწინებულია ხელშეკრულების სპეციფიკურ პირობებში.

14.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

15. ხელშეკრულებაში ცვლილებების შეტანა

15.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

15.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

15.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

15.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

16. უფლებების გადაცემა

16.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლება-მოვალეობები.

17. ხელშეკრულების შესრულების შეფერხება

17.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

17.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

18. ხელშეკრულების შესრულების გარანტია (ამ მექანიზმის გამოყენების შემთხვევაში)

18.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო. იმ გარემოებების ჩამონათვალი, რომელთა დადგომა გამოიწვევს მიმწოდებლისათვის გარანტიის დაუბრუნებლობას და აღნიშნულ გარემოებათა დადგომის გამო, შემსყიდველისათვის მიყენებული ზარალის ანაზღაურების მიზნით, საგარანტიო თანხის გამოყენების წესი განსაზღვრულია ხელშეკრულების სპეციფიკურ პირობებში.

18.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია.

18.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

19. ხელშეკრულების პირობების შეუსრულებლობა

19.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

19.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

20. ხელშეკრულების შეწყვეტა მისი პირობების შეუსრულებლობის გამო

20.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი ეტყობინების შემდეგ:

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

20.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

20.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

20.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

21. ფორს-მაჟორი

21.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

21.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

21.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

22. სადაო საკითხების გადაწყვეტა

22.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

22.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

23. გამოყენებული სამართალი

23.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

23. ხელშეკრულების ენა

23.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

25. შეტყობინება

25.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

25.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

26. გადასახადები და დაბეგვრა

26.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

26.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

ხელშეკრულების სპეციფიკური პირობები

ხელშეკრულების სპეციფიკურ პირობებს შეიმუშავებს შემსყიდველი ორგანიზაცია. მისი შედგენის საფუძველს წარმოადგენს ხელშეკრულების საერთო პირობები და შემსყიდველის მოთხოვნები, რომელთა მიხედვითაც უნდა განხორციელდეს შესაბამისი საქონლის მოწოდება. ხელშეკრულების სპეციფიკური პირობების მიზანია ყოველი შესყიდვისათვის დამახასიათებელი პირობების კონკრეტიზაცია, ხელშეკრულების საერთო პირობების შევსება და დაზუსტება. ხელშეკრულების სპეციფიკურ და საერთო პირობებს შორის ურთიერთშეუსაბამობის შემთხვევაში უპირატესობა ენიჭება სპეციფიკური პირობების შესაბამის მუხლებს.

1. ხელშეკრულების დამდები მხარეები

ხელშეკრულების მხარეები არიან:

შემსყიდველი - სს „საქართველოს რკინიგზა“ (ს/კ 202886010), წარმოდგენილი მისი ინფრასტრუქტურის დირექტორის გიორგი მარუქაშვილის სახით, მისამართი: ქ. თბილისი, თამარ მეფის გამზირი №15.

მიმწოდებელი - შპს „უნი-2“ (ს/კ 400120490), წარმოდგენილი მისი დირექტორის გიორგი ღუდუშაურის სახით, მისამართი: ქ. თბილისი, ზესტაფონის ქ. №13.

2. ხელშეკრულების შესრულების კონტროლი

2.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, შემსყიდველის მოთხოვნის შესაბამისად.

3. საქონლის მიწოდების პირობები და ვადები

3.1 საქონლის მიწოდება შემსყიდველისათვის მოხდება პირობით DDP.

3.2 პროდუქციის მიმღებია: სს „საქართველოს რკინიგზა.“

3.3 საქონლის მიწოდების ადგილია: სალიანდაგო დეპარტამენტის სასაწყობო ბაზა, მისამართი: სადგურ ველის მიმდებარე ტერიტორია.

3.4 საქონელს მოწოდებისას თან უნდა ახლდეს სასაქონლო ზედნადები და მწარმოებლის მიერ გაცემული ხარისხის დამადასტურებელი დოკუმენტ(ებ)ი (დედანი ან მწარმოებლის მიერ ხელმოწერილი და ბეჭედდასმული (ასეთის არსებობის შემთხვევაში) ნოტარიულად დამოწმებული ასლი).

3.5 საქონელს მოწოდებისას თან უნდა ახლდეს ასევე საბაჟო საბჭოს ტექნიკური რეგლამენტით TP TC 003/2011 განსაზღვრული შესაბამისობის სერტიფიკატი და ამავე რეგლამენტით გათვალისწინებული მარკირება. მარკირება უნდა იყოს უშუალოდ რელსზე და მოიცავდეს ამავე რეგლამენტის მე-4 მუხლის მე-12 პუნქტით მოთხოვნილ ინფორმაციას:ა) საბაჟო საბჭოს წევრი ქვეყნების ბაზარზე პროდუქციის მიმოქცევის ერთიანი ნიშანი;

ბ) მწარმოებლის დასახელება ან მისი სასაქონლო ნიშანი, პროდუქციის დასახელება;

გ) დამზადების თარიღი.

3.6 მხარეები თანხმდებიან მასზედ, რომ შესაძლებელია მოსაწოდებელი საქონლის ტონაჟში ცდომილება +/-0,02%-მდე ცდომილებით. იმ შემთხვევაში თუ ცდომილება იქნება -0,02% ანაზღაურება განხორციელდება ფაქტობრივად მიღებული მოცულობის შესაბამისად, ხოლო იმ შემთხვევაში თუ ცდომილება შეადგენს +0,02%-ს ანაზღაურება განხორციელდება არაუმეტეს მთლიანი სახელშეკრულებო ღირებულებისა.

3.7 მიმწოდებელმა უნდა უზრუნველყოს შემსყიდველისათვის გადმოტვირთულ საქონელზე, მის რაოდენობაზე, ადგილზე, წონაზე მონაცემების მიწოდება საქონლის გადმოტვირთვიდან ერთი დღე-ღამის განმავლობაში. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს.

3.8 მიმწოდებელი იღებს ვალდებულებას განხორციელოს საქონლის მოწოდება ამ ხელშეკრულების გაფორმებიდან 450 (ოთხასორმოცდაათი) კალენდარულ დღეში, ეტაპობრივად მოცემული გეგმა-გრადიკის შესაბამისად:

- პირველი მიწოდება უნდა განხორციელდეს ხელშეკრულების გაფორმებიდან 90 (ოთხმოცდაათი) კალენდარული დღის განმავლობაში - არაუმეტეს 2 307 ტონა;
- მეორე მიწოდება უნდა განხორციელდეს ხელშეკრულების გაფორმებიდან 180 (ასოთხმოცი) კალენდარული დღის განმავლობაში - არაუმეტეს 1 256 ტონა;
- მესამე მიწოდება უნდა განხორციელდეს ხელშეკრულების გაფორმებიდან 270 კალენდარული დღის განმავლობაში - არაუმეტეს 3 165,60 ტონა;
- მეოთხე მიწოდება უნდა განხორციელდეს ხელშეკრულების გაფორმებიდან 450 კალენდარული დღის განმავლობაში - არაუმეტეს 3 374 ტონა.

თითოეულ მოსაწოდებელ პარტიაზე დასაშვებია მოსაწოდებელი საქონლის ტონაჟში ცდომილება +/-0,02%-მდე.
3.9 შემსყიდველის მხრიდან ხელშეკრულების ადმინისტრატორად განისაზღვრა: სალიანდაგო დეპარტამენტის კონტროლის და დიაგნოსტიკის სამსახურის უფროსის მოადგილე - გიორგი გელაშვილი, ტელ: 591 190674.

4. შესყიდვის ობიექტის მიღება-ჩაბარების წესი

4.1 საქონელი შემსყიდველის მიერ ჩაბარებულად, ხოლო მიმწოდებლის მიერ მიწოდებულად ითვლება მიღება-ჩაბარების აქტის გაფორმების შედეგად, რომელიც შედგება და დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით, თითოეულ ეტაპზე ფაქტიურად მიწოდებული საქონლის შესაბამისად.

4.1.1 შემსყიდველის მხრიდან მოწოდებული საქონლის მიღება-ჩაბარების აქტ(ებ)ზე ხელმომწერ უფლებამოსილ პირებს განეკუთვნებიან (მიღება-ჩაბარების აქტს ხელს უნდა აწერდეს ჯგუფის უფროსი და ჯგუფის არანაკლებ ორი წევრი):

ჯგუფის უფროსი:

- სალიანდაგო დეპარტამენტის ექსპლუატაციის სამსახურის უფროსი;

ჯგუფის წევრები:

- სალიანდაგო დეპარტამენტის კონტროლის და დიაგნოსტიკის სამსახურის უფროსის მოადგილე;

- ლიანდაგის სარემონტო სამშენებლო სამმართველოს უფროსის მოადგილე;

- ლიანდაგის სარემონტო სამშენებლო სამმართველოს მთავარი ინჟინერი.

4.2 მიღება-ჩაბარების აქტის შედგენისას მიმწოდებელი ვალდებულია შემსყიდველს წარუდგინოს წინამდებარე ხელშეკრულების 3.4 და 3.5 პუნქტებით გათვალისწინებული დოკუმენტაცია, ხოლო 3 (სამი) სამუშაო დღის ვადაში საგადასახადო ანგარიშ-ფაქტურა.

4.3 მიღება-ჩაბარების აქტი გაფორმდება ოთხ ეგზემპლიარად, რომლის სამი ეგზემპლიარი გადაეცემა შემსყიდველს, ხოლო ერთი – მიმწოდებელს.

5. გარანტია

5.1 მიმწოდებელი იძლევა გარანტიას მასზედ, რომ მის მიერ მიწოდებული საქონელი იქნება ახალი, უნაკლო, წარმოებული არაუადრეს 2021 წლისა, არ იქნება ექსპლუატაციაში ნამყოფი, შეესაბამება მიმწოდებლის ფასების ცხრილით განსაზღვრულ ГОСТ P 51685-2013 პირობებს, ხელშეკრულებით გათვალისწინებულ მოთხოვნებს და ხელშეკრულების სპეციფიკური პირობების 3.4 და 3.5 პუნქტებით მოთხოვნილ დოკუმენტაციას.

5.2 მიმწოდებელი იღებს ვალდებულებას საკუთარი ხარჯებით აღმოფხვრას მიწოდებული საქონლის ექსპლუატაციაში გამოვლენილი ნაკლი და უზარისხობით გამოწვეული ზიანი.

5.3 წინამდებარე ხელშეკრულებით გათვალისწინებულ საქონელზე საგარანტიო ვადა შეადგენს მიღება-ჩაბარების აქტის შედგენიდან 24 (ოცდაოთხი) კალენდარულ თვეს.

5.4 მიმწოდებელი იღებს ვალდებულებას ამ მუხლის მესამე პუნქტით გათვალისწინებული საგარანტიო ვადის განმავლობაში საქონელზე ტექნოლოგიური წუნის გამოვლენის შემთხვევაში, შემსყიდველის მხრიდან შეტყობინების მიღებიდან არაუგვიანეს 60 (სამოცი) კალენდარული დღის განმავლობაში, საკუთარი ხარჯებით უზრუნველყოს წუნდებული საქონლის ჩანაცვლება იგივე წარმომავლობის ახალი საქონლით (საქონლის ტრანსპორტირების ხარჯები ეკისრება მიმწოდებელს, ასეთის არსებობის შემთხვევაში). წინააღმდეგ შემთხვევაში შემსყიდველი უფლებამოსილია მოითხოვოს მიყენებული ზიანის ანაზღაურება.

5.5 გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის მიმართ წარმომოხილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

5.6 შემსყიდველი უფლებამოსილია წარადგინოს პრეტენზია ხარისხისა და რაოდენობის თაობაზე, მიმწოდებელი ვალდებულია დააკმაყოფილოს წარდგენილი პრეტენზია და ჩანაცვლოს დეფექტური საქონელი საკუთარი სახსრებით.

6. ანგარიშსწორება

6.1 ანგარიშსწორების ფორმა: უნაღდო, კონსიგნაცია.

6.2 ანგარიშსწორების ვალუტა: ეროვნულ ვალუტაში, მიღება-ჩაბარების აქტის გაფორმების დღისთვის საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

6.3 ანგარიშსწორება მიმწოდებელთან განხორციელდება მხარეთა შორის მიღება-ჩაბარების აქტის შედგენიდან 40 (ორმოცი) საბანკო დღის განმავლობაში. ამასთანავე, განსხვავებული პირობით დასაშვებია ანგარიშსწორება მხოლოდ იმ შემთხვევაში, თუ მიმწოდებელი ხელშეკრულებით გათვალისწინებული ანგარიშსწორებისათვის

- საჭირო დოკუმენტების წარმოდგენის შემდგომ, სს „საქართველოს რკინიგზას“ მიმართავს და წარუდგენს წერილობითი ფორმით მოთხოვნას (ფორმა N1) განსხვავებული პირობით ანგარიშსწორების შესახებ.
- 6.3.1 განსხვავებული პირობით ანგარიშსწორება გულისხმობს შემდეგს:
1. შემსყიდველი იტოვებს უფლებას ანგარიშსწორება განახორციელოს მიმწოდებლის წერილობითი მოთხოვნის მიღების თარიღიდან (იგულისხმება კომპანიის კანცელარიაში რეგისტრაციის თარიღი) 10 (ათი) საბანკო დღის განმავლობაში;
 2. მიმწოდებლის მიერ მოთხოვნილი თანხა არ უნდა იყოს დღგ-ს ჩათვლით 10 000 (ათი ათასი) ლარზე ნაკლები;
 3. ნაკლებ ვადაში (10 საბანკო დღე მიმწოდებლის წერილობითი მოთხოვნიდან) ანგარიშსწორებისას მიმწოდებელს საკომისიოს სახით გაეკეთოს ანაზღაურების მოთხოვნით განსაზღვრული გასაცემი თანხიდან მოთხოვნილი ნაწილის 1,73% და აისახოს კომპანიის სასარგებლო დამატებით შემოსავლად.
- 6.4 ანგარიშსწორებისათვის საჭირო დოკუმენტებია:
- მიღება-ჩაბარების აქტი (დედანი);
 - ხარისხის დამადასტურებელი დოკუმენტ(ებ)ი (პუნქტი 3.4) ასლ(ებ)ი;
 - შესაბამისობის სერტიფიკატ(ებ)ი (პუნქტი 3.5) ასლ(ებ)ი;
 - სასაქონლო ზედნადები;
 - 6.3.1 პუნქტით გათვალისწინებული მოთხოვნის ასლი (ასეთის არსებობის შემთხვევაში);
 - საგადასახადო ანგარიშ-ფაქტურა.
- 6.5 შემსყიდველის ან/და მიმწოდებლის მოთხოვნის საფუძველზე საბოლოო ანგარიშსწორებამდე მხარეები ადგენენ ურთიერთშედარების აქტს.

7. ხელშეკრულების შესრულების უზრუნველყოფის მექანიზმი

- 7.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ საქონლის შესყიდვის შესახებ ხელშეკრულების შეუსრულებლობის გამო, გამოყენებული იქნება შემსყიდველთან წინასწარ შეთანხმებული ბანკის მიერ გაცემული ხელშეკრულების შესრულების უზრუნველყოფის უპირობო და გამოუთხოვადი საბანკო გარანტია ხელშეკრულების ღირებულების 5 %-ის ოდენობით, რომელიც წარმოდგენილ უნდა იყოს აშშ დოლარში და რომლის მოქმედების ვადაც 50 (ორმოცდაათი) კალენდარული დღით უნდა აღემატებოდეს 3.8 პუნქტით გათვალისწინებულ საქონლის მიწოდების საბოლოო ვადას.
- 7.2 მიმწოდებლის მიერ ხელშეკრულებით ნაკისრი ვალდებულებების წინამდებარე ხელშეკრულების სპეციფიკური პირობების 3.8 პუნქტით დადგენილ ვადაში სრულად და ჯეროვნად შესრულების შემდეგ, შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.
- 7.3 მიმწოდებლის მიერ ან მისი მიზეზით ხელშეკრულების ნებისმიერ ეტაპზე შეწყვეტის ან/და ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, ასევე თუ შემსყიდველს შეუძლია ივარაუდოს, რომ მიმწოდებლის მხრიდან ხელშეკრულება არ/ვერ შესრულდება, შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის გარანტიას და გამოიყენებს უპირობოდ.

8. პირგასამტეხლო

- 8.1 ხელშეკრულებით ნაკისრი ვალდებულებების შესრულების ვადების გადაცილების შემთხვევაში, შემსყიდველის მიერ მოხდება წინამდებარე ხელშეკრულების 7.1 პუნქტით გათვალისწინებულ საბანკო გარანტიის ათვისება სრულად და დამატებით, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 0,1 %-ის ოდენობით, რომელიც გაანგარიშებულ იქნება აშშ დოლარში და მოთხოვნილი (გაქვითული) იქნება ქართულ ლარში მიღება-ჩაბარების აქტის გაფორმების დღის, ან ასეთის არ არსებობის შემთხვევაში, შემსყიდველის მხრიდან ხელშეკრულების შეწყვეტის დღეს საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით, ამასთან, პირგასამტეხლოს დარიცხვა შეწყდება მას შემდეგ, რაც დარიცხული თანხა მიაღწევს ხელშეკრულების საერთო ღირებულების (დღგ-ს გარეშე) 5 %-ს.
- 8.2 იმ შემთხვევაში, თუ ვადების გადაცილებისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების (დღგ-ს გარეშე) 3 %-ს, შემსყიდველს უფლება აქვს შეწყვიტოს ხელშეკრულება.
- 8.3 მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 5%-ის ოდენობით, გარდა იმ შემთხვევისა, თუ წინამდებარე ხელშეკრულების 7.1 პუნქტით გათვალისწინებული გარანტია მიმწოდებლის მიერ ხელშეკრულების შეწყვეტის გამო იქნა გამოყენებული. თუ წინამდებარე ხელშეკრულების 7.1 პუნქტით გათვალისწინებული გარანტია 7.3

პუნქტით გათვალისწინებული სხვა წინაპირობების საფუძველზე იქნა გამოყენებული, მიმწოდებელს, მის მიერ ხელშეკრულების შეწყვეტის შემთხვევაში, დაეკისრება წინამდებარე პუნქტით გათვალისწინებული პირგასამტეხლო. პირგასამტეხლო გაანგარიშებულ იქნება აშშ დოლარში და მოთხოვნილი (გაქვითული) იქნება ქართულ ლარში მიმწოდებლის მიერ ხელშეკრულების შეწყვეტის დღეს საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

8.4 ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს მიმწოდებელს, შეადგენს ხელშეკრულების ღირებულების (დღგ-ს გარეშე) არაუმეტეს 5%-ს.

8.5 მიმწოდებლის მხრიდან ხელშეკრულებით ნაკისრი ვალდებულებების შესრულების ვადების გადაცილების შემთხვევაში, პირგასამტეხლოს გაანგარიშება განხორციელდება წინამდებარე მუხლის შესაბამისად და შემსყიდველის მხრიდან გაქვითულ იქნება მიმწოდებლისათვის გადასახდელი თანხ(ებ)იდან.

ფასების ცხრილი

N	შესყიდვის დასახელება და მახასიათებელი	წარმოშობის ქვეყანა/მწარმოებელი ორგანიზაცია	რაოდენობა /განზომილება (ტონა)	ერთეულის ღირებულება დღგ-ს გარეშე აშშ დოლარში	საერთო ღირებულება დღგ-ს გარეშე აშშ დოლარში	მიწოდების ადგილი
	მაგისტრალური რელსი რ-65 თერმულად განმტკიცებული ორივე მხრიდან სამ-სამი საჭანჭიკე ნახვრეტით, სიგრძით 25 მეტრი; დამზადებული იქნება ГОСТ P 51685-2013 - ის შესაბამისად. რელსის კატეგორია: DT350 , რელსის პროფილი: P65 ГОСТ P 51685-2013 -ის მოთხოვნების შესაბამისად; დანიშნულება: საერთო დანიშნულების; ფოლადის დნობის მეთოდი: ელექტრო ლუმელში (З) დნობის მეთოდით; თერმული დამუშავება: თერმულად განმტკიცებული, დიფერენცირებულ განმტკიცებას დაქვემდებარებული რელსის მიერ კვეთზე (DT); სიმტკიცის კლასი (მინიმალური სისაღე): 350 (თერმულად განმტკიცებული);	რუსეთის ფედერაცია АО «ЕВРА3 3СМК»	10 102,60	1 650,80	16 677 372,08	სადგურ გვლის მიმდებარე ტერიტორია (სალიანდაგო დეპარტამენტის სასაწყობო ბაზა).

მიწოდების ვადა: ხელშეკრულების გაფორმებიდან 450 კალენდარული დღის განმავლობაში. მიწოდება განხორციელდება ეტაპობრივად ქვემოთ მოცემული გეგმა-გრაფიკის შესაბამისად;


პირველი მიწოდება განხორციელდება ხელშეკრულების გაფორმებიდან 90 კალენდარული დღის განმავლობაში: არაუმეტეს 2 307 ტონა; მეორე მიწოდება განხორციელდება ხელშეკრულების გაფორმებიდან 180 კალენდარული დღის განმავლობაში: არაუმეტეს 1 256 ტონა; მესამე მიწოდება განხორციელდება ხელშეკრულების გაფორმებიდან 270 კალენდარული დღის განმავლობაში: არაუმეტეს 3 165,60 ტონა; მეოთხე მიწოდება განხორციელდება ხელშეკრულების გაფორმებიდან 450 კალენდარული დღის განმავლობაში: არაუმეტეს 3 374 ტონა;

განსაკუთრებული მოთხოვნები:


1. შემოთავაზებული საკონკრეტო იქნება ახალი და არ იქნება ნაშთი ექსპლუატაციაში, გამოშვებული იქნება არაუადრეს 2021 წლის;
2. საკონკრეტო მიწოდებისას დაერთება მწარმოებლის მიერ გაცემული ხარისხის დამადასტურებელი დოკუმენტები (დედანი ან მწარმოებლის მიერ ხელმოწერილი და ბეჭედდამსტოვებული (ასეთის არსებობის შემთხვევაში) ნოტარიულად დამოწმებული ასლი);
3. საგარანტიო ვადა: მიღება-ჩაბარების აქტის გაფორმებიდან არანაკლებ 24 კალენდარული თვის განმავლობაში;

4. საგარანტიო ვადის განმავლობაში, საქონელზე ტექნოლოგიური წუნის გამოვლენაზე შემსყიდველის შესაბამისი შეტყობინებიდან არაუგვიანეს 60 კალენდარული დღის განმავლობაში ჩვენ (მიმწოდებელი) ვიღებთ ვალდებულებას საკუთარი ხარჯებით უზრუნველყოფთ წუნდებული საქონლის ჩანაცვლებას წინამდებარე სატენდერო დოკუმენტაციით განსაზღვრული შესყიდვის ობიექტის იდენტური და ახალი საქონლით. წინააღმდეგ შემთხვევაში, შემსყიდველი უფლებამოსილია მოითხოვოს მიყენებული ზიანის ანაზღაურება;
5. იმის გათვალისწინებით, რომ შესაძლებელია სატენდერო დოკუმენტაციით განსაზღვრული შესყიდვის ობიექტის წონა და ამ წონის ფარგლებში წარმოსადგენი საქონლის - რელსების რაოდენობა არ მოვიდეს ზუსტ თანხვედრაში, დასაშვებია განსაზღვრული მისაწოდებელი რაოდენობა მიმწოდებლის მიერ მოწოდებულ იქნას $\pm 0,02\%$ -მდე ცდომილებით. იმ შემთხვევაში, თუ ცდომილება შეადგენს $-0,02\%$ -ს ანაზღაურება განხორციელდება ფაქტობრივად მიღებული მოცულობის შესაბამისად, ხოლო იმ შემთხვევაში თუ ცდომილება შეადგენს $+0,02\%$ -ს ანაზღაურება განხორციელდება არაუმეტეს მთლიანი სახელშეკრულებო ღირებულების;
6. შემოთავაზებულ საქონელს მოწოდებისას თან დაერთვება საბაჟო საბჭოს ტექნიკური რეგლამენტით TP TC 003/2011 განსაზღვრული შესაბამისობის სერტიფიკატი და ამავე რეგლამენტით გათვალისწინებული მარკირება.

დირექტორი:



/გ. დუდუშაური/





9045/109-42

30.08.2021

ხელშეკრულების შესრულების საგარანტიო უზრუნველყოფა
საბანკო გარანტია # 2625313-11478948

ქალაქი თბილისი

30 აგვისტო, 2021 წელი

ვის: სს საქართველოს რკინიგზა (ს/ნ 202886010) (შემდგომში „ბენეფიციარი“)
მის.: საქართველო, ქ. თბილისი, თამარ მეფის გამზ. 15

მხედველობაში ვიღებთ რა, რომ შპს უნი-2-მა (ს/ნ 400120490) (შემდგომში „პრინციპალი“), ბენეფიციარის მიერ რელსი რ-65_ის შესყიდვაზე გამოცხადებულ GEO210000316 ელექტრონულ პროცედურაში წარდგენილი თავისი წინადადების შესაბამისად, იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით, ბენეფიციართან გასაფორმებელ ხელშეკრულებაში (შემდგომში „ხელშეკრულება“) მითითებულ თანხაზე, ჩვენ, სს თიბისი ბანკი (მის.: საქართველო, ქ. თბილისი 0102, მარჯანიშვილის ქ. #7) (შემდგომში „გარანტი“), თანახმა ვართ გავცეთ პრინციპალის სახელზე ზემოთ აღნიშნული საბანკო გარანტია.

ამასთან დაკავშირებით, ვადასტურებთ რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე 834,000.00 (რვაას ოცდაათოთხმეტი ათასი) აშშ დოლარი და ვკისრულობთ ზემოაღნიშნული თანხის გადახდას პრინციპალის მიერ ხელშეკრულების პირობების დარღვევის საფუძველზე, თქვენი პირველივე წერილობითი მოთხოვნისთანავე.

ბენეფიციარის მოთხოვნა თანხის ანაზღაურებაზე წარმოდგენილ უნდა იქნეს წერილობითი ფორმით, სადაც მითითებული იქნება მოთხოვნილი თანხა და განმარტებული იქნება კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან.

გარანტია ძალაში რჩება 2023 წლის 03 მარტის ჩათვლით.

აღნიშნულიდან გამომდინარე, ნებისმიერი მოთხოვნა ან პრეტენზია ბენეფიციარის მიერ წარმოდგენილი უნდა იქნეს საბანკო გარანტიის ვადის გასვლამდე, გარანტის ზემოთ მითითებულ მისამართზე.

საბანკო გარანტია ავტომატურად უქმდება:

- საბანკო გარანტიის ვადის გასვლით;
- ბენეფიციარის მიერ გარანტიიდან გამომდინარე თავის უფლებებზე წერილობითი უარის თქმითა და საბანკო გარანტიის ორიგინალის გარანტისათვის დაბრუნებით ;
- გარანტის მიერ საგარანტიო თანხის ბენეფიციარისთვის სრულად გადახდით.

წინამდებარე გარანტიაზე საქართველოს სამოქალაქო კოდექსთან ერთად მოქმედებს საერთაშორისო სავაჭრო-სამრეწველო პალატის მიერ დადგენილი უნიფიცირებული წესები „მტფიზონამდე გარანტიებზე“ (პუბლიკაცია #758).

სს თიბისი ბანკის წარმომადგენელი ნინო კირიაკიძის



გრაფიკი

USD	1 აშშ დოლარი	2021-07-01	3.1659
USD	1 აშშ დოლარი	2021-07-02	3.1619
USD	1 აშშ დოლარი	2021-07-03	3.1593
USD	1 აშშ დოლარი	2021-07-06	3.1518
USD	1 აშშ დოლარი	2021-07-07	3.1478
USD	1 აშშ დოლარი	2021-07-08	3.1370

ამონაწერი სახელმწიფო შესყიდვების ერთიანი ელექტრონული სისტემიდან ელექტრონული

პროცედურის მიმდინარეობის თაობაზე

ძირითად დროში ვაჭრობის შედეგები

პრეტენდენტი	შეთავაზებული თანხა	თარიღი
 შპს უნი-2	52`799`117.00	01.07.2021 10:30

ვაჭრობის 1-ლი რაუნდი

დაწყება	დამთავრება	პრეტენდენტი	თანხა
01/07 12:05	01/07 12:07	შპს უნი-2	52`799`117.00

ვაჭრობის მე-2 რაუნდი

დაწყება	დამთავრება	პრეტენდენტი	თანხა
01/07 12:09	01/07 12:11	შპს უნი-2	52`799`117.00


ვაჭრობის მე-3 რაუნდი

დაწყება	დამთავრება	პრეტენდენტი	თანხა
01/07 12:13	01/07 12:15	შპს უნი-2	52`799`117.00

პრეტენდენტი	ბოლო შეთავაზება თანხა/დრო	პირველი შეთავაზება თანხა/დრო	შეთავაზებები
 შპს უნი-2	52`799`117.00 01.07.2021 10:30	52`799`117.00 01.07.2021 10:30	[1] ნახვა

დანართი №7

			ფორმა # 1
			სს "საქართველოს რკინიგზა"-ს ფინანსურ დირექტორს
მიმწოდებლის დასახელება	ხელშეკრულების ნომერი #	გასაცემი თანხის ოდენობა დღგ-ს ჩათვლით, რომელიც უნდა ჩაერიცხოს ანგარიშწორების ვადაზე ადრე	
1	2	3	
შენიშვნა: ივსება მომწოდებლის მიერ			
ხელმოწერა			
თარიღი			
გასაცემი თანხის ოდენობა დღგ-ს ჩათვლით, რომელიც ჩაერიცხა მომწოდებელს ვადაზე ადრე	გასაქვითი თანხის 1,73% ოდენობა	ანაზღაურების მოთხოვნის #	
1	2	3	
შენიშვნა: ივსება ხაზინის სამსახურის მიერ			
ხელმოწერა			
თარიღი			

1	ხელშეკრულება №		3	ხელშეკრულების საგანი: რელსის რ-65 შესყიდვა
2	კონტრაგენტი	შპს "უნი-2"	4	მიმღები დეპ/სამ. სალიანდაგო დეპარტამენტი
ხელშეკრულების რანგი		კურატორი დირექტორის მიერ განსაზღვრული	გენერალური დირექტორის მიერ დამტკიცებული	
		რანგი	რანგი	
		I ☒ II ☐ III ☐	I ☐ II ☐ III ☐	
5	ხელშეკრულების ადმინისტრატორი	კონტროლის და დიაგნოსტიკის სამსახურის უფროსის მოადგილე		
		თანამდებობა		
		გელაშვილი გიორგი		
		გვარი, სახელი	ხელმოწერა	თარიღი
6	ინფრასტრუქტურის დირექტორი	მარუქაშვილი გიორგი		
		გვარი, სახელი	ხელმოწერა	თარიღი